



後子孫以尊顯。及今上卽位，則厚禮置祠之內。中聞其言，不見其人。云：是時李少君亦以祠竈穀道却老方見上，上尊之。少君者，故深澤侯舍人主方。匿其年及其生長，常自謂七十，能使物却老。其游以方徧諸侯，無妻子。人聞其能使物，及不死，更饋遺之，常餘金錢衣食。人皆以爲不治生業而饒給，又不知其何所。人愈信，爭事之。少君資好方，善爲巧發奇中。嘗從武安侯飲，坐中有九十餘老人。少君乃言，與其大父游。

射處老人爲兒時從其大父識其處一坐盡驚少君
見上上有故銅器問少君少君曰此器齊桓公十年
陳於柏寢已而案其刻果齊桓公器一宮盡駭以爲
少君神數百歲人也少君言上曰祠竈則致物致物
而丹沙可化爲黃金黃金成以爲飲食器則益壽益
壽而海中蓬萊僊者乃可見見之以封禪則不虎黃
帝是也臣嘗游海上見安期生安期生食巨棗大如
瓜安期生僊者通蓬萊中合則見人不合則隱於是

前言少君主
方此言如忌
方故皆方長
言方士本此

天子始親祠竈遣方士入海求蓬萊安期生之屬而
事化丹沙諸藥齊爲黃金矣居从之李少君病虎天
子以爲化去不死而使黃鍾史寬舒受其方求蓬萊
安期生莫能得而海上燕齊恠迂之方士多更來言
神事矣亳人謬忌奏祠太一方曰天神貴者太一太
一佐曰五帝古者天子以春秋祭太一東南郊用太
牢七日爲壇開八通之鬼道於是天子令太祝立其
祠長安東南郊常奉祠如忌方其後人有上書言古

三神祠

太一壇上加
忌字明不經

者天子三年壹用太牢祠神三、一天、一地、一太一、天
子許之、令太祝頌、祀之、於忌太一壇上、如其方、後人
復有上書言、古者天子常以春解祠、祠黃帝、用一梟、
破鏡、冥羊、用羊祠、馬行用一青牡馬、太一澤山君、地
長用牛、武夷君用乾魚、陰陽使者以一牛、令祠官頌
之、如其方而祠於忌太一壇旁、其後天子苑有白鹿、
以其皮爲幣、以發瑞應、造白金焉、其明年郊雍、獲一
角獸若麟、然有司曰、陛下肅祇郊祀、上帝報享、錫一

角獸蓋麟云。於是。是以薦五時。時加一牛。以燎。錫諸侯。白金。風符。應合于天也。於是。濟北王以爲天子且封禪。乃上書獻泰山及其旁邑。天子以他縣償之。常山王有罪。遷。天子封其弟於真定。以續先王祀。而以常山爲罷。然後五岳皆在天子之邦。其明年。齊人少翁以鬼神方見上。上有所幸王夫人。夫人卒。少翁以方蓋夜致王夫人及竈鬼之貌云。天子自帷中望見焉。於是。乃拜少翁爲文成將軍。賞賜甚多。以客禮禮之。

成終不得解

文成言曰、上卽欲與神通、宮室被服、非象神、神物不至、乃作畫雲氣車、及各以勝日、駕車辟惡鬼、又作甘泉宮中爲臺室、畫天地太一諸鬼神、而致祭、具以致天神、居歲餘、其方益衰、神不至、乃爲帛書以飯牛、佯不知、言曰、此牛腹中有奇、殺視得書、書言甚怪、天子識其手書、問其人、果是僞書、於是誅文成、將軍隱之、其後則又作柏梁銅柱、承露僊人掌之、屬矣、文成虎、明年、天子病鼎湖、甚、巫醫無所不致、不愈、游水發根、

言上翹有巫病而鬼神下之上召置祠之甘泉及病使人問神君神君言曰天子無憂病病少愈彊與我會甘泉於是病愈遂起幸甘泉病良已大赦置酒壽宮神君壽宮神君最貴者太一其佐曰太禁司命之屬皆從之弗可得見聞其言言與人音等時去時來來則風肅然居室帷中時書言然常以夜天子祓然後入因巫爲主人關飲食所以言行下又置壽宮北宮張羽旗設供具以禮神君神君所言上使人受書

太史公議不
各

其言命之曰書法其所語世俗之所知也無絕殊者
而天子心獨喜其事祕世莫知也其後三年有司言
元宜以天瑞命不宜以一二數一元曰建二元以長
星日光三元以郊得一角獸曰狩云其明年冬天子
郊雍議曰今上帝朕親郊而后土無祀則禮不答也
言禮不相對
有司與太史公祠官寬舒議天地牲角鬻栗今陛下
親祠后土后土宜於澤中圓丘爲五壇壇一黃犢太
牢具已祠盡瘞而從祠衣上黃於是天子遂東始立

后土祠汾陰睢丘如寬舒等議上親望拜如上帝禮
禮畢天子遂至滎陽而還過雒陽下詔曰三代邈絕
遠矣難存其以三十里地封周後爲周子南君以奉
其先祀焉是歲天子始巡醴縣浸尋於泰山矣其春
樂成侯上書言樂大樂大膠東宮人故嘗與文成將
軍同師已而爲膠東王尚方而樂成侯姊爲康王后
無子康王死他姬子立爲王而康后有淫行與王不
相中相危以法康后聞文成已死而欲自媚於上乃

置押闔

亥石各

遣欒大因樂成侯求見言方天子既誅文成後悔其
蚤死惜其方不盡及見欒大大說大爲人長美言多
方畧而敢爲大言處之不疑大言曰臣常往來海中
見安期羹門之屬顧以臣爲賤不信臣又以爲康王
諸侯耳不足與方臣數言康王康王又不用臣臣之
師曰黃金可成而河決可塞不灰之藥可得僊人可
致也然臣恐效文成則方士皆奄口惡敢言方哉上
曰文成食馬肝死耳子誠能修其方我何愛乎太曰

臣師非有求人者求之陛下必欲致之則貴其使
者令有親屬以客禮待之勿果使各珮其信印乃可
使通言於神人神人尚肯邪不邪致尊其使然後可
致也於是上使驗小方鬘鬘自相觸擊顧氏按萬畢術云取雞血雜磨針鉄擣和磁石是時上方憂河決而黃金
不。就。乃。拜。大。爲。五。利。將。軍。居。月。餘。得。四。印。佩。天。士。將。
軍。地。士。將。軍。大。通。將。軍。印。制。詔。御。史。昔。禹。疏。九。江。決。
四。瀆。間。者。河。溢。臯。陸。隄。繇。不。息。朕。臨。天。下。二。十。有。八。

年天若遺朕士而大通焉、乾稱蜚龍、鴻漸于般、朕意
庶幾與焉、其以二千戶封地士將軍、大爲樂通侯、賜
列侯甲第、僮千人、乘輦車馬帷幄器物以充其家、
又以衛長公主妻之、齎金萬斤、更命其邑曰當利公、
主天子親如五利之第、使者存問供給相屬於道、自
大主將相以下皆置酒其家、獻遺之、於是天子又刻
玉印曰天遒將軍、使使衣羽衣、夜立白茅上、五利將
軍亦衣羽衣、夜立白茅上受印、以示不臣也、而佩天

道者且爲天子道天神也於是五利常夜祠其家欲
以下神神未至而百鬼集矣然頗能使之其後裝治
行東入海求其師云天見數月佩六印貴震天下而
海上燕齊之間莫不揜挽而自言有禁方能神僊矣
其夏六月中汾陰巫錦爲民祠魏睢后土營旁見地
如鉤狀指視得鼎鼎大異於衆鼎文鏤無款識惟之
言吏吏告河東太守勝勝以聞天子使使驗問巫得
鼎無姦詐乃以禮祠迎鼎至甘泉從行上薦之至中

明

謬悠闕大之言

皆嘗亨臨上
帝鬼神為句

山、臚、臚、有、黃、雲、蓋、焉、有、麋、過、上、自、射、之、因、以、祭、云、至、
長、安、公、卿、大、夫、皆、議、請、尊、寶、鼎、天、子、曰、問、者、河、湓、歲、
數、不、登、故、廵、祭、后、土、祈、為、百、姓、育、穀、今、歲、豐、庶、未、報、
鼎、曷、為、出、哉、有、司、皆、曰、聞、昔、泰、帝、興、神、鼎、一、一、者、壹、
統、天、地、萬、物、所、繫、終、也、黃、帝、作、寶、鼎、三、象、天、地、人、禹、
收、九、牧、之、金、鑄、九、鼎、皆、嘗、亨、臨、上、帝、鬼、神、遭、聖、則、興、
鼎、遷、于、夏、商、周、德、衰、宋、之、社、亾、鼎、乃、淪、沒、伏、而、不、見、
頌、云、自、堂、徂、基、自、羊、徂、牛、鼎、鼎、及、鼐、不、吳、不、驚、胡、考、

之休、今鼎至甘泉、光潤龍變、承休無疆、合茲中山有
黃、白、雲、降、蓋、若、獸、爲、符、路、弓、乘、矢、集、獲、壇、下、報、祠、大
享、唯、受、命、而、帝、者、心、知、其、意、而、合、德、焉、鼎、宜、見、於、祖
禰、藏、于、帝、廷、以、合、明、應、制、曰、可、入、海、求、蓬、萊、者、言、蓬
萊、不、遠、而、不、能、至、者、殆、不、見、其、氣、上、乃、遣、望、氣、佐、候
其、氣、云、其、秋、上、幸、雍、且、郊、或、曰、五、帝、太、一、之、佐、也、宜
立、太、一、而、上、親、郊、之、上、疑、未、定、齊、人、公、孫、卿、曰、今、年
得、寶、鼎、其、冬、辛、巳、朔、旦、冬、至、與、黃、帝、時、等、卿、有、札、書

曰黃帝得寶鼎、宛胸問於鬼史區、鬼史區對曰、黃帝得寶鼎、神策是歲巳酉朔旦冬至、得天之紀、終而復始、於是黃帝迎日推策、後率二十歲復朔旦冬至、凡二十推三百八十年、黃帝僊、登于天、卿因所忠欲奏之、所忠視其書、不經疑其妄書、謝曰、寶鼎事已決矣、尚何以爲、卿因嬖人奏之上、大說、乃召問卿、對曰、受此書、申公、申公巳死、上曰、申公何人也、卿曰、申公、齊人、與安期生通、受黃帝言、無書、獨有此鼎書、曰、漢興、

復當黃帝之時、曰、漢之聖者、在高祖之孫、且曾孫也、
寶鼎出而與神通、封禪、封禪七十二王、唯黃帝得上、
泰山、封、申公曰、漢主亦當上封、上封則能僊登天矣、
黃帝時、萬諸侯、而神靈之封居七千、天下名山八、而
三在蠻夷、五在中國、中國、華山、首山、太室、泰山、東萊、
此五山、黃帝之所常游、與神會、黃帝且戰、且學、僊、患
百姓非其道者、乃斷斬非鬼神者、百餘歲、然後得與
神通、黃帝郊雍上帝、宿三月、鬼吏區號大鴻、成葬雍、

故鴻冢是也。其後黃帝接萬靈明廷。明廷者甘泉也。所謂寒門者谷口也。黃帝采首山銅鑄鼎於荆山下。鼎既成有龍垂胡髯下迎黃帝。黃帝上騎羣臣後宮從上者七十餘人。龍乃上去。餘小臣不得上。乃悉持龍髯。龍髯拔墮。墮黃帝之弓。百姓仰望黃帝既上天。乃抱其弓與胡髯號。故後世因名其處曰鼎湖。其弓曰烏號。於是天子曰嗟乎。吾誠得如黃帝。吾視去妻子如脫躡耳。乃拜卿爲郎。東使候神於太室。上遂郊。

索隱曰特不用化也

雍至隴西西登崆峒幸甘泉令祀官寬舒等具太一祠壇祠壇放薄忌太一壇壇三垓五帝壇環居其下各如其方黃帝西南除八通鬼道太一其所用如雍一時物而加醴棗脯之屬殺一狸牛以爲俎豆牢具而五帝獨有俎豆醴進其下四方地爲醢食羣臣從者及北斗云已祠胙餘皆燎之其牛色白鹿居其中抽羝在鹿中水而洎之祭日以牛祭月以羊羝特太一視宰則衣紫及繡五帝各如其色日赤月白十一月

辛巳朔旦冬至，昧爽，天子始郊拜太一，朝朝日，夕夕月，則揖而見太一，如雍郊禮。其贊饗曰：天始以寶鼎神策授皇帝，朔而又朔，終而復始。皇帝敬拜見焉，而衣上黃，其祠列火滿壇，壇旁亨炊具。有司云：祠上有光焉。公卿言：皇帝始郊見太一，雲陽有司奉瑄玉嘉牲薦饗，是夜有美光及晝，黃氣上屬天。太史公祠官寬舒等曰：神靈之休祐福兆祥，宜因此地光域立太畤壇以明應，令太祝領秋及臘間祠三歲，天子一郊。

忽轉入五利

見其秋爲伐南越告禱太一以牡荆畫幡日月北斗
登龍以象太一三星爲太一鋒命曰靈旗爲兵禱則
太史奉以指所伐國而五利將軍使不敢入海之泰
山祠上使人隨驗實毋所見五利妄言見其師其方
盡多不讐上乃誅五利其冬公孫卿候神河南言見
僊人跡緱氏城上有物如雉往來城上天子親幸緱
氏城視跡問卿得毋效文成五利乎卿曰僊者非有
求○人○主○主○者○求○之○其○道○非○少○寬○假○神○不○來○言○神○事○

理樂前語妙

事如迂誕、積以歲、乃可致也。於是罷國各除道、繕治宮觀、名山神祠、所以望幸也。其春、旣滅南越、上有嬖臣李延年、以好音見。上善之、下公卿議曰、民間祠尚有鼓舞樂、今郊祠而無樂、豈稱乎。公卿曰、古者祠天地皆有樂、而神祇可得而禮。或曰、太帝使素女鼓五十弦、瑟悲、帝禁不止、故破其瑟爲二十五弦。於是賽南越、禱祠太一、后土、始用樂舞。益召歌兒、作二十五弦及空侯琴瑟、自此起。其來年冬、上議曰、古者先振

文明

上封泰山至
易事故爲難

兵釋旅然後封禪乃遂北廵朔方勒兵十餘萬還祭
黃帝冢橋山釋兵須如上曰吾聞黃帝不虎今有冢
何也或對曰黃帝已僊上天羣臣葬其衣冠既至甘
泉爲且用事泰山先類祠太乙自得寶鼎上與公卿
諸生議封禪封禪用希曠絕莫知其儀禮而羣儒采
封禪尚書周官王制之望祀射牛事齊人丁公年九
十餘曰封禪者合不虎之名也秦皇帝不得上封陞
下必欲上稍上卽無風雨遂上封矣上於是乃令諸

以遂之而說
令稍上第無
風雨卽上以
爲神愚英主
如小兒故人
不可惑也

儒習射牛、草封禪儀數年、至且行、天子旣聞公孫卿
及方士之言、黃帝以上封禪、皆致恠物與神通、欲放
黃帝以上接神僊人、蓬萊士、高世比德於九皇、而頗
采儒術以文之、羣儒旣已不能辯明封禪事、又牽拘
於詩書古文而不能騁、上爲封禪祠器、示羣儒、羣儒
或曰、不與古同、徐偃又曰、太常諸生行禮、不如魯、
周霸屬圖封禪事、於是上絀偃霸、而盡罷諸儒、不用
三月、遂東幸、緱氏、禮登中岳太室、從官在山下、聞若

前語

有言萬歲云問上上不言問下下不言於是以三百
戶封太室奉祠命曰崇高邑東上泰山泰山之草木
葉未生乃令人上石立之泰山巔上遂東廵海上行
禮祠八神齊人之上䟽言神惟奇方者以萬數然無
驗者乃益發船令言海中神山者數千人求蓬萊神
人公孫卿持節常先行候名山至東萊言夜見大人
長數丈就之則不見見其跡甚大類禽獸云羣臣有
言見一老父牽狗言吾欲見巨公已忽不見上卽見

大跡未信。及羣臣有言老父。則大以爲僊人也。宿留海上。予方士傳車。及間使求僊人以千數。四月。還至奉高。上念諸儒及方士言封禪。人人殊。不經難施行。天子至梁父。禮祠地主。乙卯。令侍中儒者皮弁薦紳射牛行事。封泰山下東方。如郊祠太一之禮。封廣丈二尺。高九尺。其下則有玉牒書。書祕。禮畢。天子獨與侍中奉車子侯上泰山。亦有封。其事皆禁。明日。下陰道。丙辰。禪泰山下趾。東北肅然山。如祭后土禮。天子

皆親拜見，衣上黃而盡用樂焉。江淮間一茅三脊爲神藉，五色土，盆雜封，縱遠方奇獸蜚禽及白雉諸物，頗以加禮。兕牛犀象之屬不用，皆至泰山祭后土封禪祠。其夜若有光，晝有白雲起封中。天子從禪還，坐明堂，羣臣更上壽。於是制詔御史，朕以眇眇之身，承至尊，兢兢焉懼不任，維德菲薄，不明于禮樂，修祠太一，若有象，景光屑如有望，震於恠物，欲止不敢，遂登封泰山。至于梁父，而後禪肅然，自新。嘉與士大夫更

始賜民百戶牛一、酒十石、加年八十孤寡布帛二匹、
復博奉高蛇丘歷城、無出今年租稅、其大赦天下、如
乙卯赦令行、所過毋有復作、事在二年前、皆勿聽治、
又下詔曰、古者天子五載一巡狩、用事泰山、諸侯有
朝宿地、其令諸侯各治邸泰山下、天子既已封泰山、
中昏無風雨災而方士更言蓬萊諸神、若將可得、於是上
欣然庶幾遇之、乃復東至海上、望冀遇蓬萊焉、奉車
子侯暴病、一日死、上乃遂去、竝海上、北至碣石、巡自

遼西、歷北邊、至九原、五月、反至甘泉、有司言寶鼎出、
爲元鼎、以今年爲元封、元年、其秋、有星茀于東井、後
十餘日、有星茀于三能、望氣王朔言、候獨見旗星出、
如瓜、食頃復入焉、有司皆曰、陛下建漢家封禪、天其
報德星、云、其來年冬、郊雍五帝還、拜祝祠太一、贊饗
曰、德星昭衍、厥惟休祥、壽星仍出、淵耀光明、信星昭
見、皇帝敬拜太祝之享、其春、公孫卿言、見神人東萊
山、若云欲見天子、天子於是幸緱氏城、拜卿爲中大

夫遂至東萊宿留之數日無所見見大人跡云復遣
方士求神恠采芝藥以千數是歲旱於是天子既出
無名乃禱萬里沙過祠泰山還至瓠子自臨塞決河
留二日沈祠而去使二卿將卒塞決河徙二渠復禹
之故跡焉是時既滅兩越越人勇之乃言越人俗鬼
而其祠皆見鬼數有效昔東甌王敬鬼壽百六十歲
後世怠慢故衰耗乃令越巫立越祝祠安臺無壇亦
祠天神上帝百鬼而以雞卜上信之越祠雞卜始用

可駐可歎

公孫卿曰、僊人可見、而上往常遽、以故不見。今陛下
可爲觀、如繡城、置脯棗、神人宜可致也。且僊人好樓
居。於是上令長安、則作蜚廉桂觀、甘泉則作益延壽
觀、使卿持節設具而候神人。乃作通天莖臺、置祠具
其下、將招來僊神人之屬。於是甘泉更置前殿、始廣
諸宮室、夏有芝生殿房內中、天子爲塞河、興通天臺、
若見有光云。乃下詔、甘泉房中生芝九莖、赦天下、毋
有復作。其明年伐朝鮮、夏旱、公孫卿曰、黃帝時封、則

天旱乾封三年上乃下詔曰天旱意乾封乎其令天
下尊祠靈星焉其明年上郊雍通國中道廵之春至
鳴澤從西河歸其明年冬上廵南郡至江陵而東登
禮潛之天柱山號曰南岳浮江自尋陽出樅陽過彭
蠡禮其名山川北至琅邪並海上四入中至奉高修
封焉初天子封泰山泰山東北趾古時有明堂處處
險不敞上欲治明堂奉高旁未曉其制度濟南人公
玉帶上黃帝時明堂圖明堂圖中有一殿四面無壁

以茅蓋通水、圍宮垣、爲禋道、上有樓、從西南入、命曰
昆侖、天子從之、入、以拜祠上帝焉、於是上令奉高作
明堂汶上、如帶圖、及五年修封、則祠太一、五帝於明
堂上坐、令高皇帝祠坐對之、祠后土於下房、以二十
太牢、天子從昆侖道入、始拜明堂如郊禮、禮畢、燎堂
下而上、又上泰山、自有祕祠其巔、而泰山下祠五帝、
各如其方、黃帝、并赤帝、而有司侍祠焉、山上舉火、下
悉應之、其後二歲、十一月甲子、剗旦冬至、推曆者以

本統、天子親至泰山、以十一月甲子朔旦冬至日、祠
上帝明堂、毋修封禪、其贊饗曰、天增授皇帝太元神
策、周而復始、皇帝敬拜太一、東至海上、考入海及方
士求神者、莫驗、然益遣冀遇之、十一月乙酉、柏梁、栽
十二月甲午朔、上親禪高里、祠后土、臨勃海、將以望
祀蓬萊之屬、冀至殊廷焉、上還、以柏梁栽故、朝受計
甘泉、公孫卿曰、黃帝就青靈臺、十二日燒黃帝乃治
明廷、明廷、甘泉也、方士多言古帝王有都甘泉者、其

後天子又朝諸侯甘泉甘泉作諸侯邸勇之乃曰越俗有火裁復起屋必以大用勝服之於是作建章宮度爲千門萬戶前殿度高未典其東則鳳闕高二十餘丈其西則唐中數十里虎圈其北治大池漸臺高二十餘丈命曰太液池中有蓬萊方丈瀛洲壺梁象海中神山龜魚之屬其南有玉堂壁門大鳥之屬乃立神明臺井幹樓度五十丈輦道相屬焉夏漢改歷以正月爲歲首而色上黃官名更印章以五字爲太

初元年是歲西伐大宛、蝗大起、丁夫人、雒陽虞初等、以方祠、詛匈奴大宛焉、其明年有司上言、雍五時無牢熟具、芬芳不備、乃令祠官進時犢牢具、色食所勝、而以木禺馬代駒焉、獨五月嘗駒、行親郊、用駒及諸名山川用駒者、悉以木禺馬代行、過乃用駒、他禮如故、其明年東巡海上、考神僊之屬、未有驗者、方士有言、黃帝時爲五城十二樓、以候神人於執期、命曰迎年、上許作之、如方、命曰明年、上親禮祠上帝焉、公玉

總括篇中事
原評此以下
至篇終總括

帶曰黃帝時雖封泰山然風后封臣岐伯令黃帝封
東泰山禪凡山合符然後不殆焉天子既令設祠具
至東泰山泰山卑小不稱其聲乃令祠官禮之而不
封禪焉其後令帶奉祠候神物夏遂還泰山修五年
之禮如前而加以禪祠石閭石閭者在泰山下陟南
方方士多言此僊人之閭也故上親禪焉其後五年
復至泰山修封還過祭恒山今天子所興祠太一后
土三年親郊祠建漢家封禪五年一修封薄忌太一

武帝封禪事
神求僊之事

而結之曰然
其效可睹矣

蓋婉其辭以
識之也

尾

反綜前語結

及三一、冥羊、馬行、赤星、五、寬舒之祠、官以歲時致禮、
凡六祠、皆太祝領之、至如八神、諸明年、凡山、他、名、祠、
行過則祠、行去則已、方士所興祠、各自主、其人終則
已、祠官不主、他祠皆如其故、今上封禪、其後十二歲、
而還徧於五岳、四瀆矣、而方士之候伺神人、入海求、
蓬萊、終無有驗、而公孫卿之候神者、猶以大人之跡、
爲解、無有效、天子益怠厭方士之恠迂語矣、然羈縻、
不絕冀、遇其真、自此之後、方士言神祠者、彌衆、然其

效可睹矣

原評贊語又

總括一篇之

意廵祭封禪

方士祠官括

盡武帝之事

論次自古以

來用事鬼神

者則自舜以

來之事皆包

括之矣表者

其外之儀文

也裏者其內

二德也

太史公曰余從廵祭天地諸神名山川而封禪焉入

壽宮侍

得親聽

祠神語究觀方士祠官之意於是退而論次

自古以來用事於鬼神者具見其表裏後有君子得

以覽焉若至俎豆珪幣之諱獻酬之禮則有司存

言從廵祭及侍祠見得諸親覩聞故得悉觀方士

祠官之意蓋其親也於是論次自古以來用事

於鬼神者正常黠黯如彼如此表裏具見令後世

得鑒觀語渾然而指明切矣

楊升庵曰篇端起語二節一正說一反說此篇之
綱要也其應皆在後曰自古受命帝王曷嘗不封
禪後所引管仲對齊桓公二君曰皆受命然後得
封禪應此句意曰蓋有無其應而用事者矣後所
論秦始皇云豈所謂無其德而用其事者耶應此
句意曰未有睹符瑞而不臻泰山者也其後凡言
符瑞如黃龍寶鼎亦應此句意又曰雖受命而功

不至功不至謂未有天下而政不及泰山也所謂
文王受命政不及泰山應此句意至梁父矣而德
不洽至梁父謂已有天下而政及泰山也所謂武
王克殷天下未寧而崩周德之治維成王亦應此
句意以漢高比武王則德猶未洽也曰洽矣而日
有不暇給意謂漢文也睹符瑞而臻功至德洽而
暇給意雖屬武帝而辭有憾焉史筆之妙此篇雖
主封禪其間兼言事神等事故又以始未嘗不肅

祇後稍慢急二語關繳之而歷代事神之盛衰皆
包括其中則其語不散篇中贊語又兼封禪神鬼
等事而總括之文法關鍵之妙也

河渠書

役用力專久

勤勞

治水祖神禹

夏書曰禹抑鴻水十三年過家不入門陸行乘車水

其成功大

行載舟泥行蹈毳山行卽橋以別九州隨山浚川任

土作貢通九道陂九澤度九山然河蓄衍溢害中國

萬鈞之力

也尤甚唯是爲務故道河自積石歷龍門南到華陰

河從來者高極

東下砥柱及孟津維汭至于大邳於是禹以爲河所

得本性治河只

是殺其勢厥二

從來者高水湍悍難以行平地數爲敗乃廝二渠以

渠隄九河途使

北復禹故道毋

引其河北載之高地過降水至于大陸播爲九河同

令南入中國而

已數語具見大

都便知壅塞者

大謬

禹以後四方

諸渠皆紀有

關利害者長

短錯綜成文

有風水自然

之象

爲逆河入于勃海九川既疏九澤既灑諸夏安功

施于三代自是之後滎陽下引河東南爲鴻溝以通

宋鄭陳蔡曹衛與濟汝淮泗會于楚西方則通渠漢

水雲夢之野東方則通鴻溝江淮之間於吳則通渠

三江五湖韋昭曰五湖湖名耳實一湖今太湖是也

在吳西南索隱曰三江按地理志北江從

會稽毘陵縣北東入海中江從丹陽蕪湖縣東北至

會稽陽羨縣東入海南江從會稽吳縣南東入海故

禹貢有北江中江也五湖郭璞江賦云具區兆瀾彭

蠡青草洞庭又云太湖周五百里故曰五湖也
於齊則通菑濟之間於蜀蜀守水鑿離碓辟沫水之

舍聽計者不
問情願計果

害穿二江成都之中、此渠皆可行舟、有餘則用溉浸、
百姓饗其利、至于所過、往往引其水、益用溉田疇之
渠、以萬億計、然莫足數也、西門豹引漳水溉鄴、以富
魏之河內、而韓聞秦之好興事、欲罷之、毋令東伐、乃
使水工鄭國間說秦、令鑿涇水、自中山西邸瓠口爲
渠、竝北山東注洛、三百餘里、欲以溉田、中作而覺、秦
欲殺鄭國、鄭國曰、始臣爲間、然渠成亦秦之利也、秦
以爲然、卒使就渠、渠就用、注填闕之水、溉澤鹵之地、

利不耳秦得之矣

忽還河利害爲烈矣

河最忌東南徙然自漢而來崇巴南

四萬餘頃收皆畝一鐘於是關中爲沃野無凶年秦以富彊卒并諸侯因命曰鄭國渠漢興三十九年孝文時河決酸棗東潰金隄於是東隄大興卒塞之其後四十有餘年今天子元光之中而河決於瓠子東南注鉅野通於淮泗於是天子使汲黯鄭當時興人徒塞之輒復壞是時武安侯田蚡爲丞相其奉邑食鬴居河北河決而南則鬴無水蓄邑收多蚡言於上曰江河之決皆天事未易以人力爲彊塞塞之未

方畧甚詳明
相宣妙

四字結上漕
粟九字結上
漑田中一字
二字爲句變
化妙
事實漕便長漑

必應天而望氣用數者亦以爲然於是天子从之不
事復塞也是時鄭當時爲大農言曰異時關東漕粟
從渭中上度六月而罷而漕水道九百餘里時有難
處引渭穿渠起長安並南山下至河三百餘里徑易
漕度可令三月罷而渠下民田萬餘頃又可得漑
田此損漕省卒而益肥關中之地得穀天子以爲然
令齊人水工徐伯表悉發卒數萬人穿漕渠三歲而
通通以漕大便利其後漕稍多而渠下之民頗得以
點應

田着頗得字當
利稍微矣

鄭當時番係
張湯各陳利

便文各相宜
應而各不同

上二事俱利
害錯綜言湯

所問通道通
漕各二段相

照

言盡不備言

溉田矣其後河東守番係言漕從山東西歲百餘萬
石更砥柱之限敗亡甚多而亦煩費穿渠引汾溉皮
氏汾陰下引河溉汾陰蒲坂下度可得五千頃五千
頃故盡河壩棄地民芟牧其中耳今溉田之度可得
穀二百萬石以上穀從渭上與關中無異而砥柱之
東可無復漕天子以爲然發卒數萬人作渠田數歲
河移徙渠不利則田者不能償種久之河東渠田廢
予越人令少府以爲稍入其後人有上書欲通褒斜

此等生事之言但當看渠因地利若不因地利如地不利獨憚百姓力從上欲成已功則民之賊也故卒以敗噫非至明至公之主孰能究利害之實哉

言有警有不警

道及漕事下御史大夫張湯湯問其事因言抵蜀從故道故道多阪回遠今穿褒斜道少阪近四百里而褒水通沔斜水通渭皆可以行船漕漕從南陽上沔入褒褒之絕水至斜間百餘里以車轉從斜下下渭如此漢中之穀可致山東從沔無限便於砥柱之漕插此語尤中武帝富強之意且褒斜材木竹箭之饒擬於巴蜀天子以爲然拜湯子卬爲漢中守發數萬人作褒斜道五百餘里道果便近而水湍石不可漕其後莊熊羆言臨晉民願穿

散書四事訖

紀復入河終

前事蓋河流

衍溢害中國

甚也

洛以溉重泉以東萬餘頃故鹵地誠得水可令畝十
石於是爲發卒萬餘人穿渠自徵引洛水至商顏下
岸舍崩乃鑿井深者四十餘丈往往爲井井下相通
行水水頽以絕商顏東至山嶺十餘里間井渠之生
自此始穿渠得龍骨故名曰龍首渠作之十餘歲渠
頗通猶未得其饒自河決瓠子後二十餘歲歲因以
數不登而梁楚之地尤甚天子旣封禪廵祭山川其
明年旱乾封少雨天子乃使汲仁郭昌發卒數萬人

塞瓠子決於是天子已用事萬里沙則還自臨決河
沈白馬玉璧于河令羣臣從官自將軍已下皆負薪
寘決河是時東流艷燒草以故薪柴少而下淇園之
竹以爲楩天子旣臨河決悼功之不成乃作歌曰瓠
子決兮將柰何皓皓旰旰兮閭殫爲河殫爲河兮地
不得寧功無已時兮吾山平吾山平兮鉅野溢魚沸
鬱兮柏冬日延道弛兮離常流蛟龍騁兮方遠遊歸
舊川兮神哉沛不封禪兮安知外爲我謂河伯兮何

惻然有愛人
之言故武帝
之資美者天
也

意主塞河塞
河而北復禹
迹庶夫

散漫結

不仁泛濫不止兮愁吾人、齧桑浮兮淮泗滿、久不反
兮水維緩、一曰河湯湯兮激潏潏、北渡迺兮浚流難、
率長菱兮沈美玉、河伯許兮薪不屬、薪不屬兮衛人
罪、燒蕭條兮噫平、何以禦水、頽林竹兮槌石菑、
曰菑正虎宣房塞兮萬福來、於是卒塞瓠子、築宮其上、名
曰宣房宮、而道河北行二渠、復禹舊迹、而梁楚之地
復寧、無水災、自是之後、用事者爭言水利、朔方西河、
河西酒泉、皆引河及川谷以溉田、而關中輔渠靈輿、

引堵水。汝南九江引淮。東海引鉅定。泰山下引汶水。皆穿渠爲溉田。各萬餘頃。佗小渠披山通道者不可勝言。然其著者在宣房。

尾口又顧口會口有味口

太史公曰。余南登廬山。觀禹疏九江。遂至于會稽大湟。上姑蘇。望五湖。東闕洛汭。大邳。迎河行淮。泗濟。潔洛渠。西瞻蜀之岷山。及離碓。北自龍門。至于朔方。曰。甚哉水之爲利害也。余從負薪塞宣房。悲瓠子之詩。而作河渠書。

二截

古人俱目歷身經親知利害而有作故鑿鑿事實
距後世繞筆舌者遠矣

記書皆叙自上
言而來至平準

平準書

書古今之變獨

器且贊中故叙

自漢興而下

音渠叙豐約相

稽盈乏相乘使

知叙論中所謂

其流激然者

約法禁示

叙漢初事節節

與武帝時反

抑末

○衰

漢興接秦之弊丈夫從軍旅老弱轉糧饟作業劇而

財匱自天子不能具鈞駟而將相或乘牛車齊民無

此接秦衰儉而將盛

藏蓋於是為秦錢重難用更令民鑄錢一黃金一斤

約法省禁而不軌逐利之民蓄積餘業以稽市物物

羅字連下句為義

踊騰糶米至石萬錢馬一匹則百金天下已平高祖

伏盛幾

乃令賈人不得衣絲乘車重租稅以困辱之孝惠高

后時為天下初定復弛商賈之律然市井之子孫亦

薄賦

寬禁網使民
富安而無制
故弊

不得仕宦爲吏量吏祿度官用以賦於民而山川園
池市井租稅之入自天子以至於封君湯沐邑皆各
爲私奉養焉不傾於天下之經費漕轉山東粟以給
中都官歲不過數十萬石至孝文時莢錢益多輕乃
更鑄四銖錢其文爲半兩令民縱得自鑄錢故吳諸
侯也以卽山鑄錢富埒天子其後卒以叛逾鄧通大
夫也以鑄錢財過王者故吳鄧氏錢布天下而鑄錢
之禁生焉匈奴數侵盜北邊屯戍者多邊粟不足給

二事修端漸

倒應

節節反應接

秦之弊一段

又豐盛而漸

衰也

予讀太史公

叙漢興七

食當食者於是募民能輸及轉粟於邊者拜爵爵得
至大庶長孝景時上罷以西旱亦復修賣爵令而賤
其價以招民及徒復作得輸粟縣官以除罪益造苑
馬以廣用而宮室列觀輿馬益增修矣至今上即位
數歲漢興七十餘年之間國家無事非遇水旱之災
民則人給家足都鄙廩庾皆滿而府庫餘貨財京師
之錢累巨萬貫朽而不可校太倉之粟陳陳相因充
溢露積於外至腐敗不可食衆庶街巷有馬阡陌之

應前○粟馬

中餘年之盛而深太息乎

文皇帝之盛德也而亦悲

其衰曰無禮無節其能人

有此乎賈生知之矣

原評勢盛二字

結前而衰二字

生後為諸繳語之綱要

痛摘言利途王欲之臣

間成羣而乘牝牡者、償而不得聚會、守閭閻者食梁肉、為吏者長子孫、居官者以為姓號、故人人自愛而重犯法、先行義而後紬耻辱焉、伏衰幾當此之時、綱䟽而民富、役財驕溢、或至兼并豪黨之徒、以武斷於鄉曲、宗室有土公卿大夫以下、爭于奢侈、室廬輿服僭于上、無限、度、物、盛、而、衰、固、其、變、也、自是之後、嚴助朱買臣等招來東甌、事兩越、江淮之間、蕭然煩費矣、唐蒙司馬相如開路西南夷、鑿山通道千餘里、以廣巴蜀、巴

何法于變萬
化無心變之
妙

總後節節疏

蜀之民罷焉彭吳賈滅朝鮮置滄海之罷則燕齊之
間靡然發動及王恢設謀馬邑匈奴絕和親侵擾北
邊兵連而不解天下苦其勞而干戈日滋行者齎居
者送中外騷擾而相奉百姓抗弊以巧法財賂衰耗
而不贍人物者補官出貨者除罪選舉陵遲廉耻相
冒武力進用法嚴令具興利之臣自此始也其後漢
將歲以數萬騎出擊胡及車騎將軍衛青取匈奴河
南地築朔方當是時漢通西南夷道作者數萬人千

丈夫從軍旅
老弱饋糧餼

又是第二番

秦人亦有言

秦皇漢武豈

不信然

入物補官

里負擔饋糧率十餘鍾致一石散幣於邛犍以集之

數歲道不通蠻夷因以數攻吏發兵誅之悉巴蜀租

賦不足以更之

更償也

乃募豪民田南夷入粟縣官而

內受錢於都內東置滄海之郡人徙之費擬於南夷

又興十萬餘人築衛朔方轉漕甚遼遠自山東咸被

其勞費數十百巨萬府庫益虛乃募民能入奴婢得

以終身復爲郎增秩及入牟爲郎始於此其後四年

而漢遣大將將六將軍軍十餘萬擊右賢王獲首虜

何益哉可爲
好兵者永墜

正應論中古

者句

原評上言廢

庫益虛此言

經耗稅賦既

竭物之衰也

萬五千級、明年大將軍將六將軍、仍再出擊胡、得首

虜萬九千級、捕斬首虜之士、受賜黃金二十餘萬斤、

虜數萬人、皆得厚賞、衣食仰給縣官、而漢軍之士馬

死者十餘萬、兵甲之財、轉漕之費、不與焉、於是大農

陳藏錢經耗、賦稅既竭、猶不足以奉戰士、有司言、天

子曰、朕聞五帝之教、不相復、而治禹湯之法、不同、迨

而王、所由殊路、而建德一也、北邊未安、朕甚悼之、日

者大將軍攻匈奴、斬首虜萬九千級、留蹕無所食、議

入貨贖罪

此時商賈當

於財者最利

與漢初抑商

賈正反

武力進用

選舉凌遲

法嚴令具

反應前約法

令民得買爵及贖禁錮免減罪請置賞官命曰武功
爵級十七萬凡直三十餘萬金諸買武功爵官省者
試補吏先除千夫如五大夫其有罪又減二等爵得
至樂卿以顯軍功軍功多用越等大者封侯卿大夫
小者郎吏吏道雜而多端則官職耗廢自公孫弘以
春秋之義繩臣下取漢相張湯用峻文決理爲廷尉
於是見知之法生而廢格沮誹窮治之獄用矣其明
年淮南衡山江都王謀反迹見而公卿尋端治之竟

黨

廉耻相冒蓋

從好不從令
如此

原評承上文

論公孫弘功

利二字該盡

武帝所行事

其黨與而坐死者數萬人長吏益慘急而法令明察
當是之時招尊方正賢良文學之士或至公卿大夫
公孫弘以漢相布被食不重味爲天下先然無益於
俗稍驚於功利矣其明年驃騎仍再出擊胡獲首四
萬其秋渾邪王率數萬之衆來降於是漢發車二萬
乘迎之既至受賞賜及有功之士是歲費凡百餘巨
萬初先是往十餘歲河決觀梁楚之地固已數困而
緣河之隄隄塞河輒決壞費不可勝計其後番係欲

縣名

潞河渠

原評三言作者

數萬人而以各

歷二三朞功未

就費亦巨萬十

數總之辭繁不

殺森然有法

萬派飛流長

短各出

紛紛興作賴

省砥柱之漕穿汾河渠以爲溉田作者數萬人鄭當
時爲渭漕渠回遠鑿直渠自長安至華陰作者數萬
人朔方亦穿渠作者數萬人各歷二三朞功未就費
亦各巨萬十數天子爲伐胡盛養馬馬之來食長安
者數萬匹卒牽掌者關中不足乃調旁近虜而胡降
者皆衣食縣官縣官不給天子乃損膳解乘輿駟出
御府禁藏以贍之其明年山東被水菑民多饑乏於
是天子遣使者虛陂國倉廩以振貧民猶不足又募

音膳

有此猶知爲
貧民出力

商賈極盛生
武帝心亦盛
極而衰

豪富人相貸假尚不能相收乃徙貧民於關以西及
充朔方以南新秦中七十餘萬口衣食皆仰給縣官
數歲假予產業使者分部護之冠蓋相望其費以億
計不可勝數於是縣官大空而富商大賈或蹠財役
貧轉轂百數廢居居邑如淳曰居賤物於邑中以待貴封君
皆低首仰給冶鑄煮鹽財或累萬金而不佐國家之
急黎民重困於是天子與公卿議更錢造幣以贍用
而摧浮淫并兼之徒是時禁苑有白鹿而少府多銀

勳緣古自蓋
乃漢武一時
風氣

更錢造幣

錫自孝文更造四銖錢、至是歲四十餘年、從建元以
來、用少、縣官往往卽多銅山而鑄錢、民亦間盜鑄錢、
不可勝數、錢益多而輕、物益少而貴、有司言曰、古者
皮幣、諸侯以聘享、金有三等、黃金爲上、白金爲中、赤
金爲下、今半兩錢法重四銖、而姦或盜摩錢裏取鎔、
錢益輕薄而物貴、則遠方用幣煩費不省、乃以白鹿
皮方尺、緣以藻繢爲皮幣、直四十萬、王侯宗室朝覲
聘享、必以皮幣薦璧、然後得行、又造銀、錫爲白金、以

原評用東郭
咸陽等二語
所以摧兼弁
浮滛而奪其

爲天用莫如龍地用莫如馬人用莫如龜故白金三
品其一曰重八兩圜之其文龍名曰白選直三千二
百曰重老小方之其文馬直五百三曰復小橢之其文
龜直三百令縣官銷半兩錢更鑄三銖錢文如其重
盜鑄諸金錢罪皆死而吏民之盜鑄白金者不可勝
數於是以東郭咸陽孔僅爲大農丞領鹽鐵事桑弘
羊以計筭用事侍中咸陽齊之大煮鹽孔僅南陽太
冶皆致生累千金故鄭當時進言之弘羊雒陽賈人

利日三人言

利析秋毫矣

前應興利之

臣自此始後

起籠塩鐵算

繒錢平準之

事

原評此實官

職耗廢

原評此應經

頭既竭不足

以奉戰士之

語

言利多端

子以心計年十三侍中故三人言利事析秋毫矣法
○轉○輟○相○照○妙○
既益嚴吏多廢免兵革數動民多買復及五大夫徵
發之士益鮮於是除千夫五大夫爲吏不欲者出馬
故吏皆通適令伐棘上林作昆明池其明年大將軍
驃騎大出擊胡得禽虜八九萬級賞賜五千萬金漢
軍馬死者十餘萬匹轉漕車甲之費不與焉是時財
匱戰士頗不得祿矣有司言三銖錢輕易姦詐乃更
請諸罷國鑄五銖錢周郭其下令不可磨取鎔焉大

擢浮淫兼弁之徒

武帝最好名外施仁義是時諸

言利之臣立法

苛禁必先稱武

帝一段以逢其

意如云陛下不

私山海之藏以

屬大農損廉省

用以振元元可

見一時風氣

農上鹽鐵丞孔僅咸陽言山海天地之藏也皆宜屬少府陛下不私以屬大農佐賦願募民自給費因官器作煮鹽官與牢盆浮食奇名欲擅管山海之貨以致富羨役利細民其沮事之議不可勝聽敢私鑄鐵器煮鹽者鈇左趾沒入其器物罷不出鐵者置小鐵官便屬在所縣使孔僅東郭咸陽乘傳舉行天下鹽鐵作官府除故鹽鐵家富者爲吏吏道益雜不選而多賈人矣商賈以幣之變多積貨逐利於是公卿言

不用軟語更端

原評舉行鹽鐵

應興利等語

原評前既言納

粟補匱而選舉

陵遲又言軍功

越等而吏道確

此言舉行鹽鐵

用鹽鐵家富者

爲吏吏逾益雜

不選而多賈人

以此却與前之

抑商賈不得爲

吏相反故因以

詰之而入爭與

以補即選衰矣

因此而生

罷國頗被菑害貧民無產業者募徙廣饒之地陛下
損膳省用出禁錢以振元元寬貸賦而民不齊出於
南畝商賈滋衆貧者畜積無有皆仰縣官異時筭輶
車賈人緡錢皆有差請筭如故諸賈人未作賈貸買
居邑稽諸物及商以取利者雖無市籍各以其物自
占率緡錢二千而一筭諸作有租及鑄率緡錢四千
一筭非吏比者三老北邊騎士輶車以一筭商賈人
輶車二筭船五丈以上一筭匿不自占占不悉戍邊

國抑商賈又與

前入貨得官時

大反後陽可久

告緡破家則困

極矣

原評以富商不

肯佐縣官之急

而酷抑之故思

卜式之願分財

助邊而祿之也

殺亦奇士

一歲沒入緡錢有能告者以其半畀之賈人有市籍

者及其家屬皆無得籍名田以便農敢犯令沒入田

僮○天子乃思卜式之言召拜式為中郎爵左庶長賜

○所○謂○風○百○姓○也○

田十頃布告天下使明知之初卜式者河南人也以

田畜為事親成式有少弟弟壯式脫身出分獨取畜

羊百餘田宅財物盡予弟式入山牧十餘歲羊致千

餘頭買田宅而其弟盡破其業式輒復分予弟者數

矣○是時漢方數使將擊匈奴卜式上書願輸家之半

極中武帝深
欲宜終已復
思

出錢貸人不
取息善貸錢

縣官助邊。天子使使問式。欲官乎。式曰。臣少牧不賢。
仕宦不願也。使問曰。家豈有冤。欲言事乎。式曰。臣生
與人無分爭。式邑人貧者貸之。不善者教順之。所居
人皆從式。式何故見冤於人。無所欲言也。使者曰。苟
如此。子何欲而然。式曰。天子誅匈奴。愚以爲賢者宜
死節於邊。有財者宜輸委。如此而匈奴可滅也。使者
具其言入以聞。天子以語丞相弘。弘曰。此非人情。不
軌之臣。不可以爲化。而亂法。願陛下勿許。於是上从。

於心終不怠

然是直中式
筭他諸人豈
得風哉

不報式數歲乃罷式式歸復田牧歲餘會軍數出渾
邪王等降縣官費衆倉府空其明年貧民大徙皆仰
給縣官無以盡贍卜式持錢二十萬予河南守以給
徙民河南上富人助貧人者籍天子見卜式名識之
曰是固前而欲輸其家半助邊乃賜式外繇四百人
式又盡復予縣官是時富豪皆爭匿財唯式尤欲輸
之助費天子於是以式終長者故尊顯以風百姓初
式不願爲郎上曰吾有羊上林中欲令子牧之式乃

武諸事皆可喜

可憐惟太史公

不被他瞞過者

幾管天子以為

字表之至此忽

插入孔僅桑弘

羊隊伍中不惟

文字變化無端

而意獨至矣

原評於上文官

上式而遂及孔

僅弘羊亦皆顯

用稍稍置均輸

以通貨物矣前

以應典利之臣

後以起平準之

事

拜為郎布衣屬而牧羊歲餘羊肥息上過見其羊善
 之式曰非獨羊也治民亦猶是也以時起居惡者輒
 斥去毋令敗羣上以式為奇拜為緱氏令試之緱氏
 便之遷為成臯令將漕最上以為式朴忠拜為齊王
 太傅而孔僅之使天下鑄作器三年中拜為大農劇
 於九卿而桑弘羊為大農丞筦諸會計事稍稍置均
 輸以通貨物矣始令吏得入穀補官郎至六百石自
 造白金五銖錢後五歲赦吏民之坐盜鑄金錢成者

是罔民也

原評天下大抵
無慮皆鑄金錢
矣一句却應前
鑄金錢之禁生
焉而生下用酷
吏之孫
諸酷吏比肩用
法益峻深
原評義縱等
用慘刻爲九
卿而直指夏
蘭之屬始出
矣又生下誅
顏異而公卿
多諂諛取容
之弊

數十萬人其不發覺相殺者不可勝計赦自出者百
餘萬人然不能半自出天下大抵抵歸也無慮皆鑄金
錢矣犯者衆吏不能盡誅取於是遣博士褚大徐偃
等分曹循行郡國舉兼弁之徒守相爲吏者而御史
大夫張湯方隆貴用事減宣杜周等爲中丞義縱尹
齊王溫舒等用慘急刻深爲九卿而直指夏蘭之屬
始出矣而大農顏異誅初異爲濟南亭長以廉直稍
遷至九卿上與張湯旣造白鹿皮幣問異異曰今王

原評公卿諛諛

取容助於公孫

弘之繩羣下張

湯之用峻文而

成於誅顏晁後

之不敢言擅賦

亦歸於此自天

下大抵無庸皆

侯朝賀以蒼璧直數千而其皮薦反四十萬本末不相稱天子不說張湯又與異有郤及人有告異以它議事下張湯治異異與客語客語初令下有不便者異不應徵反脣湯奏異當九卿見令不便不入言而腹誹論死自是之後有腹誹之法以此而公卿大夫多誛諛取容矣天子既下緡錢令而尊卜式百姓終莫分財佐縣官於是楊可告緡錢縱矣氐國多姦鑄錢錢多輕而公卿請令京師鑄鍾官赤側一當五賦

先提後申

鑄金錢矣至此
三節文脉最爲
照應

前言天下無慮
皆鑄金錢數發
錢法爲欲奪民
利而專之上
原評下緡錢令
而尊上式申言
前事以起下文
也緡錢令者以
商賈之踴財不
佐縣官而行也
尊上式者以其
能佐縣官而尊
之也而百姓終

官用非赤側不得行白金稍賤民不寶用縣官以令
禁之無益歲餘白金終廢不行是歲也張湯死而民
不思其後二歲赤側錢賤民巧法用之不便又廢於
是悉禁黠國無鑄錢專令上林三官鑄錢既多而令
天下非三官錢不得行諸黠國所前鑄錢皆廢銷之
輸其銅三官而民之鑄錢益少計其費不能相當唯
真工大姦乃盜爲之下式相齊而楊可告緡徧天下
瓚曰商賈居積及伎巧之家非桑農所生出謂中家
之緡茂陵中書有緡田奴婢是也楊姓可名也

莫分財佐縣官

於是楊可告緡

錢縱矣此句以

起下文告緡徧

天下中家以上

皆破而除復告

緡二節亦縣此

而生

傷哉外盡奪

民利而侈用

如泥沙也真

亡秦之續

原評上句結上

舉行鹽鐵算緡

告緡之事下句

生下水衡上林

以上大抵皆遇告杜周治之獄少反者乃分遣御史

廷尉正監分曹往即治郡國緡錢得民財物以億計

奴婢以千萬數田大縣數百頃小縣百餘頃宅亦如

之於是商賈中家以上大率破民偷甘食好衣不事

畜藏之產業而縣官有鹽鐵緡錢之故用益饒矣益

廣關置左右輔初大農筦鹽鐵官布多置水衡欲以

主鹽鐵及楊可告緡錢上林財物衆乃令水衡主上

林上林既充滿益廣是時越欲與漢用船戰逐乃大

○結○緡○錢○事○

○橫○取○

侈用

橫取

侈用

財物聚而興池
苑宮室及置農
官田沒田等事

原評此句應前
宮室列觀與馬
益脩之意

應篇會漢材禮
山東粟給縣官
歲僅數十萬石

又等利富家十
弟真利析秋毫
取盡錙銖

修昆明池列觀環之治樓船高十餘丈旗幟加其上

甚壯於是天子感之乃作柏梁臺高數十丈宮室之

橫取

修由此日麗乃分緡錢諸官而水衡少府大農太僕

各置農官往往卽罷縣比沒入田田之其沒入奴婢

後用

分諸苑養狗馬禽獸及與諸官諸官益新置多徙奴

婢衆而下河漕度四百萬石及官自糴乃足所忠言

世家子弟富人或鬪雞走狗馬弋獵博戲亂齊民乃

徵諸犯令相引數千人命曰株逾徒入財者得補郎

原評卽選衰

亦物盛而衰

也亦應史道

陳之意

文相宣妙

卽選衰矣。是時山東被河菑。及歲不登。數年人或相
食。方一二千里。天子憐之。詔曰。江南火耕水耨。令饑
民得流就食江淮間。欲畱之處。遣使冠蓋相屬於道。
護之下巴蜀。粟以振之。其明年天子始巡。罷國東渡。
河。河東守不意行至。不辦自殺。行西踰隴。隴西守以
行往卒。天子從官不得食。隴西守自殺。於是上北出。
蕭關。從數萬騎獵新秦中。以勒邊兵而歸。新秦中或
千里無亭徼。於是誅北地太守以下。而令民得畜牧。

民各有占繹
今爲假馬母
歸息難故爲
相復除令新
秦中克復也

皆從寇越來

邊縣官假馬母三歲而歸及息什一以除占繹用充
仍新秦中既得寶鼎直后土太一祠公卿議封禪事
而天下罷國皆豫治道橋繕故宮及當馳道縣縣治
官儲設供具而望以待幸其明年南越反西寇侵邊
爲桀於是天子爲山東不贍赦天下因南方樓船卒
二十餘萬人擊南越數萬人發三河以西騎擊西寇
又數萬人渡河築令居初置張掖酒泉犄而上犄朔
方西河河西開田官斥塞卒六十萬人戍田之中國

應衆庶街巷
有馬

繕道餽糧遠者三千近者千餘里皆仰給大農邊兵
不足乃發武庫工官兵器以贍之車騎馬乏絕縣官
錢少買馬難得乃著令令封君以下至三百石以上
吏以差出牝馬天下亭亭有畜牝馬歲課息齊相卜
式上書曰臣聞主憂臣辱南越反臣願父子與齊習
船者往死之天子下詔曰卜式雖躬耕牧不以爲利
有餘輒助縣官之用今天下不幸有急而式奮願父
子死之雖未戰可謂義形於內賜爵關內侯金六十

原評不敢言擅

賦法以謂謾取

客又以二守不

辯自殺之故也

式及僅廢以

此

原評上式以言

鐵器廢等事而

上不悅故貶秩

而弘羊益用事

爲均輸平準盡

籠天下之貨物

斤田十頃布告天下天下莫應列侯以百數皆莫求
從軍擊寇越至耐少府省金而列侯坐耐金失侯者
百餘人乃拜式爲御史大夫式旣在位見罷國多不
便縣官作鹽鐵鐵器苦惡賈貴或疆令民賣買之而
船有筭商者少物貴乃因孔僅言船筭事上由是不
悅卜式漢連兵三歲誅寇滅南越番禺以西至蜀南
者置初罷十七且以其故俗治毋賦稅南陽漢中以
往罷各以地比給初罷吏卒奉食幣物傳車馬被具

使商賈無所牟
大利而封大費
皆取是大農矣

而初起時時小反殺吏漢發南方吏卒往誅之間歲
萬餘人費皆仰給大農大農以均輸調鹽鐵助賦故
能贍之然兵所過縣爲以訾給毋乏而已不敢言擅
賦法矣其明年元封元年卜式貶秩爲太子太傅而
桑弘羊爲治粟都尉領大農盡代僅筦天下鹽鐵弘
羊以諸官各自市相與爭物故騰躍而天下賦輸或
不償其餽費乃請置大農部丞數十人分部主郡國
各往往縣置均輸鹽鐵官令遠方各以其物貴賤商

平準始見於此而以名書以言利至此而極也勢極則反時亟則遷於斯時也天下殆哉岌岌乎

賈所轉販者爲賦而相灌輸置平準于京師都受天下委輸名工官治車諸器皆仰給大農大農之諸官盡籠天下之貨物貴卽賣之賤則買之如此富商大賈無所牟大利則反本而萬物不得騰踊故抑天下物名曰平準天子以爲然許之於是天子北至朔方東到泰山巡海上並北邊以歸所過賞賜用帛百餘萬匹錢金以巨萬計皆取足大農弘羊又請令吏得入粟補官及罪人贖罪令民能入粟甘泉各有差以

原評此纖弘
全興利之功

式亦弘全之徒
乃言式 當
矣
讀至此令人想
氣滿腹而贊率
澤於神和歸之
禮義有味
原評此數語一
篇命意之要而
物盛則衰一語
又為此數語之

復終身不告緡他郡國各輸急處而諸農各致粟山
東漕益歲六百萬石一歲之中太倉甘泉倉滿邊餘
穀諸物均輸帛五百萬匹民不益賦而天下用饒於
是弘全賜爵左庶長黃金再百斤焉是歲小旱上令
官求雨卜式言曰縣官當食租衣稅而已今弘全令
吏坐市列肆販物求利亨弘全天乃雨
太史公曰農工商交易之路通而龜貝金錢刀布之
幣興焉所從來久遠自高辛氏之前尚矣靡得而記

深○渾○

埋○根○

愛所以於高
端提其要以

之

禮義防利數語

立一篇宗脉

盛衰倚伏如環

無端在漢何時

哉而可無微耶

齊管魏李

始萌以為稍陵

遲衰微深明主

霸之辯

只說事變多故

只說稍陵遲衰

云故書道唐虞之際詩述殷周之世安寧則長序序

先本細末以禮義防于利事變多故而亦反是是以

物盛則衰時極而轉一質一文終始之變也禹貢九

州各因其土地所宜人民所多少而納職焉湯武承

弊易變使民不倦各兢兢所以為治而稍陵遲衰微

齊桓公用管仲之謀通輕重之權徼山海之業以朝

諸侯用區區之齊顯成霸名魏用李克盡地力為彊

君自是之後天下爭於戰國貴詐力而賤仁義先富

避去危亡衰亂

敢盡也然意獨

語脉忽別拈

秦皇漢武先
後一轍

後一轍

有而後推讓故庶人之富者或累巨萬而貧者或不
厭糟糠有國彊者或弁辟小以臣諸侯而弱國或絕
祀而滅世以至於秦卒并海內虞夏之幣金爲三品
或黃或白或赤或錢或布或刀或龜貝及至秦中一
國之幣爲三等黃金以溢名爲上幣銅錢識曰半兩
重如其文爲下幣而珠玉龜貝銀錫之屬爲器飾寶
藏不爲幣然各隨時而輕重無常於是外攘夷狄內
興切業海內之士力耕不足糧饑女子紡績不足衣

服古者嘗竭天下之資財以奉其上猶自以爲不足也、○口口口口應口盛口極口則口衰口終口始口之口變口口口口無異故云事勢之流相激使然曷足惟焉

竭天下資財以奉上猶以爲未足惟漢武時爲然而古秦皇內事外攘已嘗然矣直而不劇古之諫乎書中具論自漢興而來叙乃通篇論古今之變只古者嘗三字暗影漢事言婉肯深忠愛之意具形言外至文至文

慎曰此篇叙事錯綜全在繳結呼喚結前生後爲

之血脉初用焉字、猶爲疑辭、後多用矣字、遂爲決辭、其曰物盛而衰、固其變也、則爲諸繳語之警策、綱要後太史公曰物盛則衰等語、蓋所以提挈此意于終而通繳之也、所謂繳結呼喚結萌生後而爲之血脉者、如曰吳鄧氏錢布天下、而鑄錢之禁生焉、上句結萌語意、下句以起武帝嚴錢禁、至於犯者衆、而用酷吏皆繇是而生也、又如曰益造施馬以廣用、而宮室列觀輿馬益增修矣、上句結景

帝事下句生武帝宮室之修，繇此日麗之意也。皆繳此。

又曰曰江淮之間，蕭然頓費曰巴蜀之民罷焉曰燕齊之間靡然發動曰天下苦其勞亦皆相顧爲文，文法不整而整。

又曰上句武力進用法令嚴具結上文事四夷而廢養民任人之法，下句興利之臣自此始也，亦爲棄弘羊等用事三人言利析秋毫矣張本，凡舉行

鹽鐵算民錢舟車平準以籠天下之貨皆該其中而烹棗弘牟天乃雨之句乃畢此意而斷之也

又曰平準書先叙漢事而贊語乃述自古以來而寓微辭於武帝叙事之變體也



